

新纂雲南通志

第九
函十冊

新纂雲南通志卷一百四十目錄

農業考三

水利二

大理府

臨安府

楚雄府

澂江府

新纂雲南通志卷一百四十

農業考三

其丈畝畝果蠶為首其蓄積空言耳

志

水利二

大理府

太和縣

十八溪

源自點蒼山椒懸瀑注為十八溪各夾於十九峯中所經

皆有灌溉之利同入於洱河

李志

河尾

即下關例以三年一濬過期不濬則濱湖之田必致渰沒明

正德間通判喻河處置有方用能成功

大理府志

乾隆九年議准疏濬大理

府洱海淤沙以除榆郡水患嗣後責令地方官就近督修按田出夫

五年大修一次仍令該道不時稽查毋致復淤

清會典事例

光緒四年沙泥

淤阻濱海田舍渰沒迤西道熊昭鏡著知府郭懷禮率紳民請款開

修

光緒志

城南十里溝

鶴橋溝

二水最大宜一年一濬庶可免患

大理府志

城北四里溝

塔橋溝

上陽溝

灣橋溝

喜洲溝

義崑溝

周城溝

自北門至周城凡六十餘里之田盡賴七溝灌溉然暴漲

橫流所經易淤而義崑周城爲甚當時加濬治

雍正志

道光二十六年上

陽溝谿水夜漲渰沒田廬死者九十餘人議定章程一歲兩修

光緒志

麻黃澗

在城西此水舊道由教場北入大馬江近年故道壅塞大

雨時行漲潦射決卻由教場大路而下逕射西門識者憂之往歲議

罷操一月以其力濬復故渠誠爲有見惜哉空言耳

李志

水缺

在城西天臺寺前明弘治間玉溪水漲直射大紙房排西門

而入正德間大紙房復被淹沒後於缺處塞以大石患始止歲宜隄

防雍正志今廢光緒志

穿城三渠 南曰白塔江中曰衛前北曰大馬江此三渠者穿城而

東出一以備火災一以灌城東之田經年久不濬往往壅塞坐令百

頃膏腴變爲斥鹵司民社者所不忍見

李志

三板閘 在城東北中和峯馬蝗澗之水南注西城濠過獅子橋至

千家村後分五分之一灌溉千家車邑諸村餘至城東北角建閘蓄

水又分爲二一北灌柴村正甸一南灌夜夢得及柴村之南瓦村之

北諸甸餘則接濟大馬渠之不足旱澇均獲其利康熙三十年知縣

張泰交重修

雍正志

禦患堤 在城西即城濠也面闊丈五尺暴流沙石再歲不濬則與

堤平弘治間大雨五日溪潦橫至大水入城廬舍半壞府衛共謀作堤於農隙特令軍築三之二縣民之爲土軍者築三之一每歲以十一月二十五日興工加高一尺爲常規李志道光四年雙鶴澗口冲坍提督羅思舉迺西道謝崧等捐廉於西門外築長堤一百五十丈高五六尺寬七八尺水道得疏通道光志每年由府稅項下撥錢百千交城守營濬築光緒志

趙州

雍正十年議准疏濬趙州河道

清會典事例

馮氏義泉

西城中無水井明時里人少尹馮濂於城外掘地作地

龍引入城中至今利之

趙州志

牧棕村溝

在城南灌溉本村及敬天甘陀富樂東山等村田地明

萬曆年間民以爭水互訟水利道斷定放水次序俾民世守均享其

利

雍正志

北門三天橋 上天橋水自東門壩流入鎖水閣外中天橋水亦自

東門壩流入老邵園一帶下天橋水自梁王壩流入新村一帶灌溉

甚溥康熙五十一年下天橋以豐安水碓屢次沖決知州陳士昂捐

俸仍令按畝輸銀修治責成碓主防濬

趙州志

東晉湖閘 在城東北十里環龍山下水出九股洪武初知州潘大

武建閘蓄聚成湖灌溉上下草甸紅山千戶營犂頭灣石鼻頭華營

班莊七村田地定議立石於湖中穀盡閉閘湖外麥盡啓閘

雍正志

湖中

水乾其田可耕故閉久則失湖田插秧之期啓早則妨湖外刈麥之

候

李志

水磴溝壩

灌溉羅和東山羨樹登龍莊科鄒官橋一帶田地

趙州志

紅山溝壩

灌溉本村只羊下莊馬加邑飛來寺田地

趙州志

甘泉壩

趙州知州徐樹閔雲南縣知縣王璐修築

趙州志

觀音山壩

在彌渡東深丈餘周里許

趙州志

水患壩

在彌渡城北舊築水堤

趙州志

白馬廟壩

自定西嶺北至下關溝壩二十有五或灌本村或灌及

數村上之分流者足給而不病於旱下之合流者悉歸洱河而不病於潦北流諸水有利無害自定西嶺南至彌渡大莊苴力村爲江三爲溝壩二十有四彌渡以上水有利而無害彌渡至大莊水勢與地平利害交半大莊而下或水高於田遇漲則有衝埽之憂或田高於水遇旱則無澆灌之利利不能三四而害常居六七非高築堅堤不

可

大理府志

光緒間署知州史建中重經疏濬

光緒志

石蝦堰

在白崖東十里郡士張雯築

趙州志

雙塘

在城東八里明洪武初民以甃甃隄利甚溥歲久潰嘉靖間

分巡副使安如山歲令瀕海人家量畝出力修築民甚便之

雍正志

甘陶水塘

在城東南舊有隄防其利爲豪右所專明知州潘大武

議夾石爲渠穿孔分水其利始均

雍正志

城西隄

在城西三耳山

雍正志

舊有夾流因無瀦堰散漫滲洩不爲民

利議築隄瀦水以備水旱非直田疇蒙其灌溉而飲汲有甘冽之利

矣

明通志

今坍塌未修

光緒志

下比齊河隄

下比齊河利甚溥雍正六年知州徐樹閔令分界築

隄以防沖決

趙州志

雲南縣

雍正十年議准疏濬雲南縣河道

清會典事例

青龍海 在城南十五里納寶泉壩水三分之一灌東南十五村田

歲久淤塞雍正八年知縣王璐浚治疏通

雍正志

中河海口爲山溪所阻

乾隆二十年知縣謝聖綸詳修有租穀不敷歲修漸復淤塞道光七

年舉人董齊聖生員戴萬鈴等請修復古制

道光志

段家壩 在城東南二十五里白塔村東接晉湖石晉時段思平所

築青龍品甸之水合流而南出板橋至此築壩渟蓄以出煉廠自西

而南而北以灌雲南驛前平陸田明成化間黔國公沐琮檄都指揮

馬鉉重修

雍正志

天泉壩 在城東南沿海七村計四百餘家納糧六百餘石苦無活

水明成化十六年民村石壁場軍村青海營於東山箐內合築二堰

例於霜降後收水灌溉二麥

道光志

新興壩 在城南山下明嘉靖間知縣宋希文築周八里

雍正志

寶泉壩 在城北五里即團山壩石閘三道三分寶泉之水一入溪

溝同九子龍水下溉彌渡一繞城南分數渠灌近城西南諸田入青

龍海一繞城北瀦貯於品甸灣明景泰間分巡副使周鑑參政趙雍

崇禎間兵備道何閔中相繼重修久復淤圯雍正八年知縣王璐加

修

雍正志

附大學士彭時碑記略

李志

寶泉壩距雲南縣西北二十里乃雲南憲副麻城周公鑑與參政連江趙公雍之所倡而爲之者也二公行部至縣進文武諸司詢民所利害而罷行之於是洱海衛鎮撫孫謙進曰民事莫重於農而農之所憂惟旱爲甚不可無以備之縣境有地曰遊蜂場四山環列而中爲巨浸者三俗呼爲海子其源深以長其流散漫而廣衍非築壩堰以時啓閉則水不爲利二公愕然相顧曰此急務也因集文武官屬激之以義命指揮同知張磐縣令趙彥亨輩庀材指揮僉事吳璋千戶丁晟董役壘石爲壩高三十尺廣半其長之

數中爲斗門視水之大小以節啓閉又作亭立祠名之曰寶泉因寶泉山之名也然水之所注可以灌田萬頃而利民於無窮其實與名亦克稱矣

品甸灣壩

一名小牧舍海在城東北十里分團山壩水貯陂中灌

城北十三村田畝各有定例

雲南縣志

舊引寶泉山水蓄於周關品甸二陂

歲久溝塞明嘉靖間知縣宋希文開古道以時瀦蓄軍民利焉

古今圖書集成

南豐壩

在雲川胭脂壩旁收馬龍箐水明知縣宋希文築周八里

後壅爲平地兵備道何閔中捐金開挖爲義學田

雲南縣志

今淤塞成地租

民佃種之

道光志

海西莊壩

在和甸街西灌海下田畝

雲南縣志

箐黑底壩

在和甸東灌新黑底各村田畝流入你甸

雲南縣志

黑廠箐壩

在和甸東灌黑廠各村田畝流入你甸大河

雲南縣志

小黑坡壩

在你甸西南收菴蘿箐水灌溉田數百畝

雲南縣志

龍鳳寺海壩 在蕎甸海梢灌溉各村田畝歲納本府魚課銀二兩

四錢

雲南縣志

周官些陂 在城東北十五里亦名海周十五里無源天雨受各山

箐之水灌雷鳴田畝雍正五年知縣張漢鑿溝十餘里引團山壩水

逾品甸灣山阜注其中又於下流濬溝澮之淤二十餘里

雲南縣志

雍正八

年知縣王璐修濬

雍正志

千畝田陂 在雲南驛前平衍千頃久缺水利明嘉靖間右參政石

簡劉伯耀相繼修舉今廢

雍正志

香果城堰塘 在城東三里原係雷鳴旱田雍正八年知縣王璐率

民買田三十一畝五分開爲五塘由東中溝引團山壩水貯其中灌

兩村田畝其下流入青龍海

雲南縣志

孔伍營堰塘

在城東灌本村田畝

雲南縣志

楊海村堰塘

在城東灌左右田畝

雲南縣志

黃尾洞堰塘

距城三里灌本村田

雲南縣志

七百莊堰塘

小城村堰塘

並在城東南灌海下田畝

雲南縣志

小波畎堰塘

在城南灌小波畎村田畝

雲南縣志

陶官屯堰塘

灌本村田畝

雲南縣志

李官屯堰塘

草場堰塘

小馬房堰塘

謝官營堰塘

白石峯

堰塘

西冲堰塘

楊官廠堰塘

青龍莊堰塘

花園村堰塘

土官村堰塘

東山脚堰塘

茅草壩堰塘

東山大箐堰塘

二處

河上村堰塘

五舍邑堰塘

灰窰村堰塘

以上堰塘灌漑各處

海下左近田畝

雲南縣志

果城堰塘 練廠堰塘 江頭村堰塘 白洲海堰塘 白屯堰塘

劉官廠堰塘 汪旂營堰塘 小波那堰塘 舒官海堰塘 江

尾村堰塘 傅旂營堰塘 東甸村堰塘 清風坡堰塘 大海子

堰塘 以上堰塘灌溉各本村田畝雲南縣志同治六年耆民鄒元茂倡捐

重修劉官廠堰塘

光緒志

裕澤堰塘 在樂耕隄下

道光志

雙龍堰塘 在筆架山下收左右等水

道光志

青水堰塘 在雙龍堰塘下

道光志

天然堰塘 在上赤口尾等頭灌溉本村田畝

道光志

七喬堰塘 在七喬山下

道光志

雙菁龍泉堰 在回龍山下築有堰隄灌溉史家營各村田畝

雲南縣志

樂耕隄 在和甸東灌黃連樹田畝

雲南縣志

鄧川州

雍正十年議准疏濬鄧川州河道

清會典事例

羅甸渠 在城東源出東山引溉近渠田畝

雍正志

上西閘 在瀾河西岸寺一隄內明萬曆間知州常公眞傑所開以

分瀾苴河流今河高閘低閘口久已堙閉

鄧川州志

下西閘 在靑索橋下瀾河西岸

鄧川州志

舊東閘隄 在靑索橋下瀾河東岸

鄧川州志

大水長隄 在城南舊以水磨在隄南致秋潦爲害明嘉靖間兵備

副使姜龍令移水磨隄北又修築舊隄二百餘丈水因南趨不復爲

害

雍正志

彌苴佉江隄 在州前平川受鶴慶劍川浪穹鳳羽諸水自下山口

以迄江尾綿亙四十五里流入洱河兩岸築隄高二丈寬四丈隄東

開涵洞十二西開涵洞十六開水入溝各灌二十餘村誠爲兩川大

利但河高田低夏秋暴漲橫流潰決爲患舊例於春初按糧募夫挑

淤培埂

浪穹之水入蒲陀經鄧州平川中六十餘里分爲東西兩隄沿隄各開洩水口名曰龍洞東隄十八口西隄十八口分灌兩川之田因浪穹三江口沙壅浪人順水推沙河日淺隄日低夏秋時有潰決正統中知州李福萬曆間署州盧多

益乾隆二年知州俞唐先後丈定田弓按糧分界民糧每石分隄弓七尺三寸軍糧減半自正月上元後起夫濬河修埂期一月完工官爲稽其勤惰核其工程分別懲勸仍廣植楊柳禁人斫伐各里預備防河椿木設巡河夫往來查考其各龍洞口六月後令頭人出結保

守鄧州志

雍正八年知州施震博諮詳審於下山口東子河內開一開口

由大凹出東川歷青索會於洱河以分水勢於大樓橋西子河內開

一開口由楊柳村綠玉池出鷄鳴村城西至西湖歷三道橋龍橋兆

邑以入洱河又於青索子河內開下開口以殺大河之流每年仍

於春初濬築設役巡查啓閉

雍正志 明萬曆中知州常真傑開東西兩閘視河水消長隨時啓閉以分洩最爲防河上策今閘溝半占爲田開口久經堵塞既無分殺水勢之處此長隄